

## „Antigaspi“-Charta vum Ministère fir Landwirtschaft, Wäibau a ländlech Entwécklung fir öffentlech Evenementer



### Kontext

Am Kader vum Kampf géint d'Liewensmëttelverschwendung huet de **Ministère fir Landwirtschaft, Wäibau a ländlech Entwécklung** (heirënner de „Ministère“) 2016 d'Sensibiliséierungscampagne „Zesumme géint d'Liewensmëttelverschwendung“ (heirënner „Antigaspi-Campagne“) an d'Liewe geruff. Zanterhier goufen eng ganz Rei vun Aktiounen ënnert dem Titel „Antigaspi“ organiséiert.

D'Zil ass et, den Organisateuren d'Méiglechkeet ze ginn, den Antigaspi-Logo „Event“ vum Ministère bei öffentlechen Evenementer ze benotzen, bei deenen dem Publikum lesswueren am Respekt vun de Bedéngungen, déi an dëser Charta fir de Kampf géint d'Liewensmëttelverschwendung festgeluecht sinn, ugebuede ginn.

Definitioun: Ënner „Liewensmëttelverschwendung“ versteet een all fir de Konsum duerch de Mënsch bestëmmten lesswueren, déi an enger Etapp vun der Nahrungskette verluer ginn, ewechgeheit ginn oder verdierwen.

### Zil

Den Organisateuren vun öffentlechen Evenementer duerch d'Bereetstelle vu Richtlinnen ze hëllefen, gezielt géint d'Liewensmëttelverschwendung virzegoen, an esou déi national Campagne „Zesumme géint d'Liewensmëttelverschwendung“ op [antigaspi.lu](http://antigaspi.lu) ze fërderen.

### Allgemeng Bedéngungen

1. Den Organisateur reecht am Virfeld eng schrëftlech Demande iwwert de Formulaire „Demande fir d'Benotze vum Antigaspi-Logo“ eran, deen een op [antigaspi.lu](http://antigaspi.lu) eroflueden oder online ausfëlle kann.
2. D'Recht fir den Antigaspi-Logo „Event“ ze benotzen, gëtt vum Ministère fir ee bestëmt Event accordéiert.
3. Bei engem Event un deem méi Akteure bedeelegt sinn, ass den Haaptorganisateur verantwortlech dofir, datt déi obligatoresch Antigaspi-Moosname vu jidderengem respektéiert ginn.
4. De Logo däerf eréischt benotzt ginn, wann d'Zoustëmmung vum Ministère virläit.
5. Wann d'Benotzung vum Antigaspi-Logo „Event“ no enger Demande refuséiert gëtt, engagéiert de Ministère sech, dës Refus schrëftlech ze begrënnen. Den Organisateur kann, wann hien dat wëll, déi geplangte Moosnamen änneren, fir d'Ufuerderunge vun dëser Charta besser ze erfëllen, an dann eng nei Demande areeche.
6. Fir den Antigaspi-Logo „Event“ ze kréien, muss d'Event déi zéng obligatoresch Moosnamen erfëllen, woubäi d'Anhale vun den allgemengen Hygiènesvirschrëfte virausgesat ass.
7. Ofgesi vun der Gréisst, déi un déi verschidde visuell Supporten ugepasst ka ginn, däerf den Organisateur d'Ausgesi vum Logo net verännere.

## D'Antigaspi-Moosnamen

### **Déi obligatoresch Krittären déi mussen erfëllt ginn, fir den Antigaspi-Logo „Event“ ze kréien:**

- D'Leit, déi um Event an der Restauratioun schaffen, iwwert dës Antigaspi-Moosnamen informéieren an hinnen erklären, wéi se anzehalen sinn. (Hei fannt Dir een Informatiounsblatt dofir.) Zil ass et, d'Mataarbechter fir den Thema Antigaspi ze sensibiliséieren. Sou kënnen si och de Konsumenten Infoen zu de Moosnamen ginn.
- Den Akaf vun de Liewensmëttel ob d'Bestellung an d'Erfahrung vum Joer virdu baséieren. An och no dësem Event een detailléierte Bilan zéien, ob net zevill Liewensmëttel bestallt goufen.
- Souwäit et méiglech ass, a fir eventuell Reschter verwäerten ze kënnen, sollen déi eenzel Komponente bis dee leschte Moment esou mann ewéi méiglech verschafft/preparéiert ginn. Hei e puer Beispiller:
  - Zaloten an anert réit Geméis net direkt all wäschen a schneiden;
  - net all dat réit Geméis oder Zaloten am Vinaigrette vermëschen;
  - Bréidercher net all beienee opschneiden, mee no a no, sou wéi se gebraucht ginn;
  - net zevill Gegrilltes a Fritte virmaachen;
  - ëmmer nëmmen eng Zooss pro Goût opmaachen.Ënner „Reschter“ versteet een an dësem Fall deen net verkaaft / net virbereeten Undeel un lesswueren, deen net am Self-Service fir de Verkaf ugebuede gouf. Ausname si virverpaakte Liewensmëttel. Selbstverständlech dierfen dës Reschter net verduerwe sinn.
- Souvill wéi méiglech Liewensmëttel aus der Regioun bezéien an och krommt Geméis an Uebst kafen a verschaffen. Et kann ee souwuel a regionale Butteker ewéi bei Produzenten direkt kafen oder awer beim Grossiste oder Supermarché regional Produits bestellen.
- Do wou et méiglech ass, kleng a grouss Portiounen ubidden. Z. B. kleng a grouss Tellere beim Buffet, kleng a grouss Portiounen Fritten, Nuddelen, asw. De Begrëff „Kannerportioun“ däerf net fir déi kleng Portioun benotzt ginn. Gegrilltes wa méiglech mat an ouni Brout ubidden.
- De Leit d'Méiglechkeet bidden, hier lessensreschter mat Heem ze huelen. Hei dierfe keng Barquettes, etc aus Einwegplastik geholl ginn, mee d'Behälter musse Mehrweg sinn, ewéi z. B. d'[Ecobox](#)<sup>®</sup>. Hei gëtt drop higewisen, datt d'Reschter, déi op den Tellere bleiwen, opgrond vun den Hygiènesvirschrëften net an d'Kichen dierfen zeréckgoen, fir an Dëppercher ëmgefëllt ze ginn, déi ee selwer matbruecht huet.
- lesswueren, déi sech net méi bis den aneren Dag halen, eng Stonn viru Schluss vum Event méi bëlle verkafen. Beispiller heivu si Gegrilltes a Fritten, déi d'Killkette verlooss hunn an/oder net méi an hirer initialer Verpackung sinn, oder scho virgemaachten/preparéiert lesswueren wéi Fritten, Gegrilltes, Baguetten a Bréidercher, Zaloten etc.
- Um Enn vum Evenement sollen lesswueren, déi net verkaaft gi sinn souwéi Reschter vun den Organisateuren, Benevollen oder dem Personal kënnen matgeholl ginn, souwäit se nach gutt sinn. Et gëtt drop higewisen, datt Liewensmëttel, déi een doheem agefruer huet, op kee Fall nach eng Kéier fir zukünfteg öffentlech Evenementer benotzt dierfe ginn!  
Wichtig ass, datt dës lesswueren net un Déier verfiddert, mee als Liewensmëttel verwäert ginn.
- Nieft den Dreckskechte fir net recycléierbaren Offall de Gäscht e Behälter fir Bio-Offall zur Verfügung stellen. Och op de Verkafsstänn solle Biotonne genotzt ginn.
- D'Affiche „Dës ass een Antigaspi-Event“, déi de Landwirtschaftsministère zur Verfügung stellt, op e puer Plazen ophänken.

**Déi fakultativ Krittären, mat deenen den Organisateur sech nach ka weider engagéieren, fir aktiv géint d'Verbëtze vu Liewensmëttel virzegoen:**

- Wann ee komplette Menü zerwéiert gëtt (z. B. Entrée, Haaptplat an Dessert), all d'Platen och eenzel ubidden.
- Wann op Telleren zerwéiert gëtt, moderat Portiounen ubidden mat der Méiglechkeet vun engem zweete Passage.
- Wann ee Buffet ugebuede gëtt, d'Gäschter drop opmierksam maachen (z. B. mat enger Affiche), datt si d'Méiglechkeet hunn, sech eng zweete Kéier ze zerwéieren. Esou sollen d'Leit dovun ofgehal ginn, direkt méi ze huelen, wéi se um Enn paken.
- Bei Evenementer mat optionalem lesse e Reservatiounssystem fir d'lessen ubidden. Op dës Manéier kann d'Bestellung méi genau opgestallt ginn.
- Wann d'Gedrénks net am Glas, mee a Mehrwegfläsche verkaf gëtt, verschidde Gréisste vu Fläschchen ubidden.

**Flichten am Beräich vun der Liewensmëttelsécherheet**

D'Hygiènesvirschrëften, dorënner d'permanent Anhale vun der Killketten, mussen applizéiert ginn. Weider Informatiounen zu dësem Thema fënnt den Organisateur um Internetsite <https://securite-alimentaire.public.lu/fr/professionnel/Denrees-alimentaires/Hygiene-alimentaire.html>.

**Kontrollmechanismus**

Wann dës Charta net respektéiert gëtt, kann d'Geneemegung fir d'Benotze vum Antigaspi-Logo „Event“ zeréckgezu ginn. Den Organisateur engagéiert sech, vun deem Moment un direkt op all Kommunikatioun, déi den Antigaspi-Logo „Event“ enthält oder déi op eng Zesummenaarbecht am Kader vun der Antigaspi-Campagne hiweist, ze verzichten. Den Organisateur ka keng Entschiedegung fuerderen, wann d'Recht op d'Benotze vum Antigaspi-Logo „Event“ ausgesat oder zeréckgezu gëtt.

De Ministère behält sech d'Recht vir, während dem Event Kontrollen op der Plaz duerchzuféieren fir ze kucken, ob déi obligatoresch Moosnamen ëmgesat ginn; an dat ouni datt den Organisateur am Virfeld doriwwer informéiert gëtt. Ginn déi obligatoresch Moosnamen net respektéiert, kritt den Organisateur den Antigaspi-Logo „Event“ oferkannt.